

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
Izborna komisija za organizaciju i provođenje
izbora za članove savjeta mjesnih zajednica
Grada Zavidovići

Broj:01-05-1066-6/24
Dana: 12.02.2024.godine

U P U T S T V O

O POSTUPKU ORGANIZACIJE I PROVOĐENJA IZBORA ZA ČLANOVE SAVJETA MJESNIH ZAJEDNICA GRADA ZAVIDOVIĆI

Na osnovu Odluke o raspisivanju izbora za savjete Mjesnih Zajednica na području Grada Zavidovići broj: 01-04-132/24-AP-5 od 31.01.2024.godine, izborna komisija za organizaciju i provođenje izbora za članove savjeta mjesne zajednica na području Grada Zavidovići na svojoj II (druga) sjednici održanoj 12.02.2024.godine, donosi

UPUTSTVO O POSTUPKU ORGANIZACIJE I PROVOĐENJA IZBORA ZA ČLANOVE SAVJETA MJESNIH ZAJEDNICA GRADA ZAVIDOVIĆI

1. Ovim uputstvom uređuje se postupak organizacije i provođenja izbora za članove savjeta mjesnih zajednica na području Grada Zavidovići.
2. Izbori za članove savjeta mjesnih zajednica provode se na principima utvrđenim Statutom Grada Zavidovići i Uputstvom o postupku organizacije i provođenja izbora za članove savjeta mjesnih zajednica Grada Zavidovići.
3. Kandidatura za članove savjeta mjesnih zajednica podnosi se Izornoj komisiji za organizaciju i provođenje izbora za članove savjeta mjesnih zajednica na području Grada Zavidovići (u daljem tekstu: Izborna komisija).

Kandidatura iz predhodnog stava podnosi se za naseljeno mjesto u sastavu mjesne zajednice, počev od **15.02.2024.godine** na osnovu Odluke o održavanju izbora za članove savjeta mjesnih zajednica na području Grada Zavidovići, broj: 01-04-132/24-AP-5 od 31.01.2024.godine, a **najkasnije do 18.03.2024.godine**.

Izbori se održavaju 14.04.2024.godine – nedjelja u terminu od 07 do 19 h.

Kandidati / kandidat koji se kandiduje za člana savjeta mjesne zajednice za određeno naseljeno mjesto mora imati prebivalište u naseljenom mjestu u sastavu mjesne zajednice u kojoj živi. Uz kandidaturu iz predhodnog stava moraju se priložiti izjave kandidata o prihvatanju kandidature.

NAPOMENA: U mjesnim zajednicama u kojima ne bude kandidata za određena naseljena mjesta u sastavu te mjesne zajednice, izbori se neće održati u toj mjesnoj zajednici sve dok se ne ispune uslovi za održavanje istih, a to je tek kada za svako naseljeno mjesto bude dovoljan broj kandidata, tako da ukoliko izabranom članu savjeza mjesnice zajednice prestane mandat na neki od načina koji su propisani Statutom, istog će zamijeniti sljedeći kandidat koji je dobio najveći broj glasova za to naseljeno mjesto. Potrebno je da bude više kandidata od broja koji se bira za to naseljeno mjesto.

4. Izborna komisija, po izvršenoj provjeri podataka iz tačke 3. ovog uputstva, izvršit će ovjeru kandidature za svakog kandidata na način da će donijeti rješenje o potvrđivanju kandidature za članove savjeta mjesne zajednice.
Ako Izborna komisija utvrdi da kandidature nisu u skladu sa Statutom Grada i tačkom 3. ovog uputstva, iste će biti odbačene o čemu se obavještavaju kandidati pismeno na način da će se donijeti rješenje o odbacivanju kandidature za članove savjeta mjesne zajednice.

U slučaju iz prethodnog stava, da bi kandidatura bila ovjerena, podnosioci kandidature dužni su odmah, a najkasnije u roku od dva (2) dana od dana prijema rješenja o odbacivanju kandidature otkloniti utvrđene nepravilnosti koje su navedene. Ukoliko podnosioci kandidatura ne otklone nedostatke u predviđenom roku, Izborna komisija će odbiti ovjeru

kandidature na način da će donijeti rješenje o odbijanju ovjere kandidature za članove savjeta mjesne zajednice.

5. Za svakog kandidata čija kandidatura bude potvrđena iz tačke 3. ovog uputstva redosljed na glasačkom listiću za naseljeno mjesto u mjesnoj zajednici utvrdit će se abecednim redom po prezimenu.
6. Ime kandidata čija kandidatura bude potvrđena iz tačke 3. ovog uputstva ne može se povući nakon što kandidaturu ovjeri Izborna komisija.

Ukoliko kandidat bude spriječen usljed više sile ili nepredviđenih okolnosti da učestvuje u izbornom procesu za člana savjeta mjesne zajednice, birači će biti obaviješteni na dan održavanja izbora o naprijed navedenom.

7. Nakon ovjere kandidature, Izborna komisija utvrđuje zbirnu listu kandidata.

U zbirnu listu iz predhodnog stava unose se kandidati čije kandidature budu potvrđene, u skladu sa redosljedom utvrđenim iz tačke 5. ovog uputstva, uz označavanje naseljenih područja u mjesnim zajednicama iz Odluke o osnivanju i organizaciji mjesnih zajednica na području Grada Zavidovići.

8. Izborna komisija odmah po sastavljanju zbirne liste iz prethodne tačke, a najkasnije deset (10) dana prije održavanja izbora, oglašava zbirnu listu kandidata.

Oglašavanje zbirne liste kandidata vrši se na oglasnoj ploči Grada Zavidovići i po mjesnim područjima u sastavu mjesne zajednice.

9. Nakon zatvaranja biračkog mjesta i izvršenih pripremnih radnji birački odbor vrši prebrojavanje glasačkih listića na biračkom mjestu i utvrđuje rezultate izbora.

Nakon utvrđivanja rezultata izbora, birački odbor dostavlja izborni materijal Izornoj komisiji.

10. Nakon što Gradsko vijeće Grada Zavidovići verificira rezultate izbora, Izborna komisija novoizabranim članovima savjeta mjesnih zajednica izdaje uvjerenja o njihovom izboru.

Ako dva ili više kandidata imaju identičan broj osvojenih glasova za određeno naseljeno mjesto, mandat se dodjeljuje ždrijebanjem koje organizuje i provodi Izborna komisija.

11. U skladu sa zakonom i statutom Grada izabranom članu savjeta mjesne zajednice može prestati mandat i prije isteka vremenskom perioda na koji je izabran.
U slučaju iz predhodnog stava, savjet mjesne zajednice čijem članu prestaje mandat, podnosi Izornoj komisiji zahtjev za dodjelu mandata sljedećem kandidatu sa liste izabranih članova savjeta mjesne zajednice za određeno naseljeno mjesto.

Izborna komisija će po prijemu zahtjeva iz predhodnog stava u roku od 3 (tri) dana isti prosljediti Gradskom vijeću koje će svojom odlukom dodijeliti mandat sljedećem kandidatu koji je dobio najveći broj glasova nakon provedenih izbora za savjet mjesne zajednice. Nakon što Gradsko vijeće donese odluku o dodjeli mandata, izborna komisija će novom članu savjeta mjesne zajednice izdati uvjerenje o njegovom izboru.

12. Pojedine izborne radnje za izbor članova savjeta mjesnih zajednica vršit će se prema obrascima i to:

- obrazac 1- Kandidatura za članove savjeta mjesnih zajednica;
- obrazac 2- Izjava o prihvatanju kandidature za članove savjeta mjesne zajednice;
- obrazac 3- Rješenje o odbijanju ovjere kandidature za članove savjeta mjesne zajednice;
- obrazac 4- Rješenje o odbacivanju kandidature za članove savjeta mjesne zajednice;
- obrazac 5- Rješenje o potvrđivanju kandidature za članove savjeta mjesne zajednice;
- obrazac 6- Zbirna lista kandidata za članove savjeta mjesne zajednice;
- obrazac 7- Oglas o zbirnoj listi kandidata za članove savjeta mjesne zajednice;
- obrazac 8- Rješenje o određivanju biračkih mjesta za izbor članova savjeta mjesnih zajednica;
- obrazac 9- Oglašavanje o određivanju biračkih mjesta za izbor članova savjeta mjesnih zajednica;
- obrazac 10- Rješenje o imenovanju biračkih odbora;
- obrazac 11- Zapisnik o primopredaji izbornog materijala biračkim odborima;
- obrazac 12- Zapisnik o radu biračkog odbora;
- obrazac 13- Glasački listići;
- obrazac 14- Zapisnik o zbirnim rezultatima glasanja za članove savjeta mjesnih zajednica;
- obrazac 15- Izvještaj o rezultatima izbora članova savjeta mjesnih zajednica;
- obrazac 16- Uvjerenje o dobijenom mandatu izabranom članu savjeta mjesne zajednice.

13. Obrasci iz prethodne tačke sastavni su dio ovog uputstva.

14. Sva druga pitanja koja se odnose na organizaciju i provođenje izbora, ukoliko nisu uređena Statutom Grada iz tačke 2. ovog uputstva ili ovim uputstvom, uređuju se odlukom Izborne komisije.

15. Ovo uputstvo stupa na snagu danom objavljivanja na oglasnoj ploči Grada Zavidovići i oglasnim pločama Mjesnih zajednica.



PREDSJEDNIK
IZBORNE KOMISIJE
[Signature]
Čamdžić Mesud, dipl. pravnik